

湛然居士集



温  
燄  
斤

十  
二  
集



光緒乙未潤版  
凌遐署端

領中書省濕然居士文集序一

乾坤之氣否之則塞泰之則通日月之光蒙之則晦廓  
之則明聖人之道鬱之則滯推之則行化而裁之謂之  
教神而明之存乎人天之未喪斯文陰有所主宰亦有  
所託付數不終隱待其人而益弘况乎啟端發源於新  
造之初枝傾挂邪於積亂之後以任當世之重以行眾  
人之難必有命世大賢超人異行舉歷代非常之事卒  
前哲未成之志與時標準卓然爲吾道之倡夫道之不  
明久矣去古而今情其性案今下疑興謨遠而淳風  
衰雅頌息而淫詞作以大學中庸爲虛位以致知格致

爲廷論聖門閉而不開正路梗而莫闢加之兵革以來  
百餘年間宇宙之內昏昏默默如夜之未晝夢之未寤  
醉之未醒病之未藥伏陰未覩於太陽寒谷未熙於春  
律黎苗之渴望未蘇黔首之倒懸未解夫欲躋塗炭而  
域仁壽滌瑕穢而鏡澄清療國脈之膏肓補天維之缺  
漏草創萬有權輿百度興禮樂於板蕩之際拯詩書於  
煨燼之餘補蔽皇猷經緯政體變干戈而俎豆易荒服  
而衣冠斲雕反樸鑄頑成仁扇美化以風六合沛膏澤  
以雨羣生教續將絕之時功畫無形之世非天下之至  
神其孰能與於此哉惟我中書湛然居士天姿英挺上

智誠明著龜其識鈞鼎其器聳四方之具曠遇千載之  
嘉會作朝廷之翰維社稷之鎮牢籠區夏宰制山川提  
封不牧之邦郡縣不毛之地正璣衡而泰階平明曆數  
而靈符定開元建極盡瀾綸之術驟帝馳王入酬酢之  
計以唐虞吾君爲遠圖以成康吾民爲己任涵養乎事  
業形容於文章得之心不受一塵應之手自能三昧游  
戲妙場掀揭理窟運天地之橐籥奪造化之機緘論性  
則窮其深源談道則索其隱旨以聖經爲根本故其文  
體用兩精微以史氏爲枝葉故其文氣焰而宏麗盤詰  
詞著其格音賦歌比興其奧義雖出師征伐之間猶說

意經濟之學觀其投戈講藝橫槩賦詩詞鋒摧萬物筆  
下無點俗揮洒如龍蛇之肆波瀾若江海之放其力雄  
豪足以排山岳其輝瀾爛足以燦星斗幹旋之勢雷動  
震舉溫純之音金聲玉振片言隻字冥合玄機奇變異  
態靡有定跡復乎出於見聞之外翫壘炳耀盪人之耳  
目所謂造物有私默傳真宰胸中別是一天耳蓋生知  
所稟非學而能如庖丁之解牛游刃而餘地公輸之制  
木運斤而成風是皆造其真境至於自然而然公之於  
文亦得此不傳之妙若夫湛然之稱不可以形尋不可  
以言詰其處之也厚其資之也深靜於內爲善淵演於

外爲道派卽其性而見其文與元氣俱粹然一出於  
正觀夫所稱其人可知矣然則作之者創於始亦在乎  
述之者成其終適有中省都專宗仲亨最爲門下之舊  
收錄公之餘稿纖悉無遺今又增補雜文誠好事之君  
予舉其全帙付之於門下士高冲霄李邦瑞協力前修  
作新此本以示學者可謂兼善之用心省丞相胡公喜  
君之文揄揚溢美勒成爲書中或有僕者更加釐正命  
王刊行於世益廣其傳真得仁人之雅意省寮王子卿  
李君實許進之王君王爵正之皆欣然嚮應其贊成之  
三公秉宗公之志畢其能事同諸君累求爲序僕以兵

塵中來舊學荒廢不敢應命蓋公之心術至蹟不能盡  
探之於文公之文章高致不能具陳之於序雖其文皆  
公之寓言筌蹄而忘象是亦勳業之餘蘊公如不言則  
人將何述焉嘗謂雲漢爲章天之文言詞可法人之文  
故觀乎天文以察時變觀乎人文以化成天下文之爲  
用大矣哉今公之爲言非徒示虛文而已實斯世行道  
之具所以柱石名教綱維彝倫鼓舞士風甄陶人物豈  
惟立崇代之典章端可爲將來之軌範於戲大禹不治  
水吾民憂其魚孔子不作經王道幾乎熄夫以文德開  
通濟物密藏諸用扶持聖道之久樊幽而復顯見天意



之所屬爲時求定而能樹治本遏亂源活生靈福奕世  
其功德無慚於先聖斯文之不墜皆公之力焉是言也  
非獨予之所言乃天下之公言也歲次癸巳十有二月  
初吉襄山孟攀鱗序

序二

夫文章天下之公其言賦者自以與賈馬爭麗則言詩者自以與李杜爭光焰逞詞藻者不讓蘇黃論歌詞者輒輕吳蔡以至氣衝雲霄而莫肯相下及其較量長短探賾妍醜得其全者鮮矣厥人望者鮮矣申書湛然性稟英明有天然之才或吟哦數句或揮掃百張皆信手拈來非積習而成之蓋出胸中之穎悟流於筆端敏捷味此言言語語其溫雅平淡文以潤金石其飄逸雄樸又以薄雲天如寶鑑無塵寒水絕翳其照物也瑩然向之所言賈馬麗則之賦李杜光焰之詩詞藻蘇黃歌詞

吳蔡兼而有之可謂得其全矣厥人整矣外有官府得  
居士文集古律詩雜文五百餘首分爲九卷恐珠沈於  
海玉隱於山而輝彩未著特命良匠版行於世使四方  
士大夫如披雲覩日快願見之心嗚呼言者心聲也中  
書之言如詠物之外多以國事歸美爲章句雖稷契之  
忠皋陶之嘉未易過此癸巳歲十二月望日平水冰巖  
老人王鄰序

名自以與李公年次欲欲區區新書不獨新書而始同所  
夫文章天下之公其言雖言自以與與與與與與與與與

序三

士君子困而後學老乃思歸

流

案思歸下疑作宗淨之流猶

賢乎已屏山年二十有九閱復性書

案金末李之純有屏山鳴道集與元

裕之齊名知李習之亦二十有九參藥山而退著書三十餘萬

歎曰抵萬松

案謂萬松老人

深攻亟擊退而著書三十餘萬

內蒙心學諄諄大半晞顏早立亞聖生知追釋先賢誠

難倒指湛然居士年六十有七受顯訣於萬松其法忘

死生外身世毀譽不能動哀樂不能入湛然大會其心

精究天神盡乘宿學冒寒暑無晝夜者三年盡得其道

萬松面授衣頌目之為湛然居士從源自古宗師印證

公僕明白四知無若此者湛然從是稱嗣法弟子從

師自古公侯承稟宗師明白四知亦無若此者萬松

口過其門見執菜根蘸油鹽飯脫粟萬松曰予不太儉

乎曰固閉京城絕粒六十日守職如恆口云前賢守職

此言止不素人無知者以至扈從西征六萬餘里歷艱

險用行役而志不少沮跨崑崙瞰瀚海而志不加大客

問其故而曰任洋法海涵養之力也若乃壽聖安而成

贊嚴清銘而發機行九流而止縱橫立三教而廢邪偽

外則舍弘先大禦侮敵國之雄豪內則退讓謙恭和好

萬方之性行世謂佛法可以治心不可以治國證之於

湛然正心修身家肥國治之明效吾門顯訣何愧於大

學之篇哉湛然嘗以此訣忠告心友時無識者慨然曰

惟屏山閑閑

案趙秉文自署閑閑老人金禮部尚書著有滄水集內外稿

可照我心

耳噫嘻雖欲普慈兼濟天下後世不由也已嘗和友人

詩曰贈君一句直截處只要教君能養素但能死生榮

辱哀樂不能羈存亡進退盡是無生路至於西天三步

遠東海一杯深老作衲僧未易及此使裴公美張無盡

見之當斂衽焉蓋片言隻字出於萬化之源膚淺未臻

其奧者方且索之於聲偶鍛鍊之排正如檢指蒙學對

句之教豈望進於少陵詩史者矣加以志天文以革西



湛然居士文集卷一目次

卷一目次

和黃華老人題獻陵吳氏成趣園詩

和平陽王仲祥韻

和李世榮韻

和李世榮見寄

和李世榮韻

再用前韻

又索六經

和移刺繼先韻三首

和薛伯通韻



鹿尾

過金山用人韻

過雲中贈別李尙書

和裴子法韻 并序

和許昌張彥昇見寄

和南質張學士敏之見贈七首

和張敏之鳴鳳曲韻

和孟駕之韻

和陳秀玉絲黎詩韻

和冀先生韻

卷一目次終

湛然居士文集卷一

元耶律楚材

晉卿撰

和黃華老人題獻陵吳氏成趣園詩

雪溪詞翰輝星斗紙蠹塵蒙詩一首湛然揮墨試續貂  
曠嘯使人難出口五年彭澤解官去遨遊三徑真三友  
悠然把菊見南山暢飲東籬醉重九獻陵吳氏治荒園  
成趣爲名良可取養高不肯事王侯閑臥林泉老衰朽  
今年扈從過秦川可憐尙有蕭條柳歸計甘輸吳子先  
麗詞已後黃華手知音誰聽斷絃琴臨風痛想紗巾酒  
嗟乎世路聲利人不知曾憶淵明否

聖平 和 平 陽 王 仲 祥 頌

一 聖 揚 天 兵 萬 國 皆 來 臣 治 道 尚 玄 默 政 簡 民 風 純 明  
明 我 嗣 君 寬 語 出 絲 綸 淇 惠 浹 泗 海 聖 訓 宜 書 紳 逆 取  
乃 順 守 皇 威 輔 深 仁 貪 饗 致 天 罰 長 吏 求 良 循 河 表 背  
盟 約 羽 檄 飛 邊 塵 聖 駕 親 徂 征 將 安 億 兆 人 湛 然 陪 扈  
從 書 劍 猶 隨 身 翠 華 次 平 水 草 木 咸 生 春 冰 巖 上 新 句  
文 質 能 彬 彬 冰 雪 相 照 映 珠 玉 如 橫 陳 詩 筆 居 獨 步 唐  
都 一 逸 民 聖 政 罔 二 三 裁 物 惟 平 均 綜 名 必 核 實 求 儒  
務 求 真 經 術 勿 疎 廢 筆 硯 尙 可 親 竚 待 寰 宇 清 園 丘 祀  
天 神 選 舉 再 開 關 仲 祥 當 超 倫 一 旦 騰 達 時 獻 策 宜 詵

詵

和李世榮韻

聖主題華旦，熊羆百萬強。兵行從記律，敵潰自奔忙。百  
谷朝滄海，羣陰畏太陽。黎民歡仰德，萬國喜觀光。堯舜  
規模遠，蕭曹籌策長。巍然周禮樂，盛矣漢文章。神武威  
兼德，傲猷柔濟剛。自甘頭戴白，誤受詔批黃。我道將興  
啟，吾儕有激昂。厚顏慙相印，否德忝朝綱。佐主難及聖，  
爲臣每願良。翠華來北闕，黃鉞討南疆。明德傳雙葉，寬  
仁洽萬方。九服無不軌，四海願來王。兵革雖開創，詩書  
何可忘。洪恩浮曉露，嚴令肅秋霜。符應千齡運，功垂萬

世昌縣歸延國神燁燁受天祥多士咸登用羣生無敗  
戕此行將告老松菊未全荒  
云辭不修飾其  
胸次要自洞達

和李世榮見寄

雲橫北海西駟騎來天際梅軒真可人新詩遠相惠其  
聲若夏金其臭如芳蕙文豔理無華詞雄言不侈筆力  
似黃山驚浪雲奔勢犀象牙角新臺蜂銜尾細遙想醉  
銜杯梅塢清陰翳閒散玉麒麟可得羈而係吾子臥東  
山誰治今之世好陳十漸書毋用六奇計萬里入龍庭  
何須歎迢遞時方涉大川舟楫須君濟

和李世榮韻

多謝梅軒不惜春聲詩來寄格清新詞源莫測披千頃  
筆力能扛鼎萬鈞憂國心情常悄悄閑居容止自申申  
誰知板蕩中原後瀟灑河東有若人

再用其韻

梅軒相別又三春別後文章與日新不忿散材需造化  
好將幽隱入陶鈞我遊北海年垂老君臥南陽志未申  
遙想冰魂政無恙一枝迴施隴頭人

又索六經

我愛平陽李世榮一番書史再鐫銘欲令吾子窮三傳  
敢向君家乞六經簡策燦然新制度文章宛爾舊儀刑

莫教幼穉空相憶日月求書到懸庭

和移刺繼先韻三首

案元史國語解改耶律文正之姓為移刺

澤民我愧無術略且著詩鴻慰離索詩書滿載升金山

案東金山今興安嶺在墨爾根布特哈呼倫貝爾一帶

西金山今阿爾泰山在齋桑泊之西公從太祖成吉思

汗西征專指西金山絃歌不輟論松漠世上原無真是非安知今

是而非昨連城美玉涅不緇百鍊真金光愈燦巴悟真

如匪去來自然胸次絕憂樂斷夢還同世事空浮雲恰

似人情薄尙記吾山舊隱居松風蕭瑟松花落枕流漱

石輕軒車吟煙嘯月甘藜藿春山寂寂春溪深蕭條庭

戶堪羅雀而今不得安疏懶自笑條籠困雕鸞勉力龍

庭上萬言男兒志不忘溝壑

其三

當年不肯讀三略獨抱遺經伴閒素  
流行坎正不尤人自甘萬里涉窮漠  
富貴榮華能幾時生死都來如夢昨  
千年興廢漚浮沈百歲光陰電飛燦  
常笑梁鴻歌五噫竊學榮啟彈三樂  
未能仁義戢干戈勉將敦厚懲澆薄  
近有人從故隱來黃花無恙開籬落  
問藁林肉與邱糟奚如飯麥而羹藿  
人間麋鹿滿姑蘇阿瞞不復遊銅雀  
途中曳尾希莊龜江夏沈舟悲禰鶻  
吾山佳處歸休乎鹿遊乎林魚縱壑



其三

祖道門庭元簡略兒孫草裏添芒索擬心鷓子過新羅  
起念白雲橫大漠迴殊四句有無中元非三際來今昨  
大海纖塵一點飛洪爐片雪寒光燦盍論業障本來空  
半偈徒誇寂滅樂細切清風非異事更將明月剗來薄  
玲瓏四面亦無門充塞十方絕壁落羅列珍羞渠不食  
癡人猶是貪藜藿祇圖龍領摘明珠誰知虎口存活雀  
坐晚猶迷一色邊崎嶇鳥道一作去路橫秋鶚可笑人閒荆  
棘林死者填溝空塞壑

和薛伯通韻

滴滴秋光溢遠山穹廬寥落酒瓶乾一作一天空詩章

平澹思居易禪裏縱橫憶道安案彌天釋道安道安不

忿西風霜葉脫難經秋雨菊花殘閭山舊隱天涯遠夢

裏思歸夢亦難案醫无閭山似公有別業

鹿尾案朱竹垞直南書房賜鹿尾述恩詩云東丹王子畫移刺楚材詩正用此

鑿興秋獮獵南岡鹿尾分甘賜尚方濃色殷殷紅玉髓

徽香馥馥紫瓊漿韭花酷辣圓蔥薤芥屑差率類桂薑

何似蘊根蘸濃液邀將詩客大家嘗一作流匙滑飯大家嘗

風過金山用人韻

尋歷山峯八月寒羊腸樵路曲盤盤千巖競秀清入思

萬壑爭流壯我觀  
山腹雲開嵐色潤  
松巔風起雨聲乾  
光風滿楚詩囊去  
一度思山一度看

過雲中贈別李尚書  
誰識雲中李謫仙  
詩如文錦酒如川  
十畝良園君有趣  
一塵薄土我無緣  
舊恨常來春夢裏  
新吟不到客愁邊  
明朝分手天涯去  
他日相逢又幾年

和裴子法韻

頃觀子法跋白蓮社圖  
斥淵明攻乎異端  
吾子不惑所學  
主張名教  
真韓孟之儔  
亞也昔

集由避天下而遠遁  
堯舜受天下而不辭以

致澤施於萬世名垂於無窮是知潔己治天下各有所安耳夫清虛立默樂天真而自適者也焦勞憂勤濟蒼生爲己任者也二道相反甚於冰炭使堯舜巢由易地則皆然後世亂臣賊子窺伺神器狐媚孤兒寡婦扼其喉以取天下者聞巢由之風亦少知愧矣然則巢由之功豈可少哉棄享天下之大樂而且希物外之虛名者豈人情也耶文中子有言虛立起而晉室亡斯豈莊老之罪歟蓋用之不得其宜也以虛立之道治天下其猶那寒

御車萬大夏服重裘自底死亡豈裘葛之罪  
哉昔晉武一統之始不爲後世之遠謀何曾  
已議之旣而禍亂繼作骨肉相殘屠戮患良  
進用讒佞離元凱復生亦不能善其後矣大  
廈將頽非一木所能支獨淵明何能救其弊  
哉適丁天地不交萬物不道君子道消小人  
道長之時淵明見幾而作挂印綬而歸結社  
同志安林泉之樂較之躁進苟容於小人之  
側者何啻九牛一毛耶以淵明之才德假使生  
於堯舜湯武之世又安知不與皋夔伊周並

驅爭先哉宜尼有云用之則行舍之則藏又

云進退存亡不失其正者其惟聖人乎斯亦

名教之內昭昭可考者也何責淵明之深也

余嘗謂否則卷而懷之以簡易之道治天下

達則擴而充之以仁義之道治四海實古今

之通誼也因用子法遊姑射元韻以見意云

達磨一派未西來無限勞生眼未開六朝繁盛已矣耳

兩晉風流安在哉自笑詩中老僕射引韻借事佛竊做

王安石公案翻騰舊葛藤林泉準備閑蹤跡用之勳業

垂千秋發揚孔孟誰為儔舍之獨善樂真覺賦詩舒笑

臨清流豈止淵明慕松菊晉室高賢十八九君子道消  
小人用貞夫遠棄利名酒蘇黃冠世能文詞裴張二相  
名當時祖道禪林恣遊戲堯風舜德甘噓吹達人不爲  
造物役打破東西與南北毛吞巨海也尋常出沒縱橫  
透空色真如頗與羲易同不動確乎無吉凶湛然信筆  
書窺語臨風遠寄綠野翁贈君一旬直截處祇要教君  
能養素但能死生榮辱哀樂不能羈存亡進退盡是無  
生路

□云汝今徹也真融釋脫  
落足以了當此心否邪

和許昌張彥升見寄

真人休運應千載生知神武威申邦杜絕奇技賤異物

連城玉斗會親撞兵出潼關渡天塹翠華離映騶虞幢  
生民鼓舞歎俟后壺漿箠食轅門降偏師一鼓汴梁下  
繼騎飲馬揚子江良臣自有魏鄭輩死諫安用千與逢  
少微昨夜照平水清河國士真無雙壯歲遊學力稽古  
孜孜繼晷焚蘭缸新詩寄我有深意再三舒卷臨幽窗  
安得先生贊王室委倚奚憂庶政厯堪笑紛紛匹夫勇  
徒誇巨鼎千鈞扛何日安車蒲輪詔公入北闕葡萄佳

醞燭飲玻璃缸

西人葡萄釀皆以玻璃瓶

和南質張學士敏之楚贈七首

桃源劉鳳樓蕭鐫冰斲玉哦通宵珠璣燦燦照蘭室



楚偃蹇蟠霜精和我新詩便予起卻得靈龜酬水李邊  
城十載絕知音瑟斷七絃鶴亦死而今得識若姿容胸  
中鬱結渙然空詩壇君可據上位筆力囊甘居下風筆  
陣文鋒寬且綽馳騁看君龍曼樂學海波滿千頃破壘  
飲經書爛該博幾時把手瀟湘邊生涯自有壺中天鳴  
榔一笑舟浮蓮浪波萬里凝蒼煙

其二

漏沈沈竹蕭蕭蒲團禪定坐絳霄古廟香爐無氣息  
條白練如瓊精性海澄澄波不起宛似水壺沈玉季庸  
人泥我不知歸七袞整開混沌死

口云玩公此語似喜  
宗明而不取

雖云至道絕音容不離幻有成真空百尺竿頭更移步  
普天匝地生清風大用全提自覺綽禪將交鋒何嬰鑠  
醒時呼起夢中人徧濟含生其利博本無內外與中邊  
踏破威音劫外天汗泥深處檀青蓮昇平世界沈烽煙

其三

雨蕭蕭風蕭蕭對牀談道徹清宵欲畫太虛無面目愼  
無落筆汗冰綃人閒平地風波起長笑於陵噉糟李富  
貴榮華都幾時迷者孰能死前死須瀾芥子云相容神  
通妙用不空空劫火洞然燻不壞紙鳶能禦毘藍風龍  
象騰驤何綽綽迴視鴛鴦駘空嬰鑠悟時一語透塵沙安

用才學恃宏博維摩方丈傍無邊箇中無礙散花天迴  
塗穩穩步雙蓮得玄鳥道橫晴煙

其四

院深深籟蕭蕭伽陀舒卷度蘭宵若解荷心繫珠露便

能天外裁雲綃大覺空生一漚起悟斯獨有屏山李屏山

居士李之純常作楞嚴別解為禪客所重今按李屏山

山効時裁四十元遺山以詩弔之云世法拘人蝨處禪  
誰知龍跳九天門云云 穿透楞嚴第一機方信菴中人不死箇裏

家風針不容夢迴六趣大千空道人受用本無盡明月

薄刺細切風香象朋從威綽綽獨跳狂獐空矍鑠悲心

起處了無私濟度塵沙恩廣博不涉中流離兩邊下無

大地上無天無人無佛臺無蓮萋萋碧草生芳煙

其五

雲飄飄水蕭蕭一燈香火過閑宵神清半夜不成夢書

帷風細揚微緒運應昌期王者起自愧文章輸杜李竊

思居易了無生誰羨葛洪學不死

庭之學及云當與邱

處機之徒不合

一幅蒲團膝足容翛然丈室塞虛空翻騰密藏

明佛日淘汰機緣振祖風丹鳳神霄何綽綽天曉歎郎

徒嬰鑠人聞取舍本千差世路窮通如六博幽人嘯咏

水雲邊劫外光風自一天開來石上栽紅蓮水無波浪

火無煙

其六

風蕭蕭雨蕭蕭蕭蕭風雨悲涼宵籬菊殘英積黃玉林  
風脫葉飄紅綃幽人輾轉凌晨起邂逅門前逢短李殷  
衰聞道有三仁欲說九疇君不死穹廬相結爲從容懸  
河雄辨能談空風神蕭散野鶴立照人玉樹臨秋風落  
筆新詩一揮綽不似武人誇矍鑠銀鈎筆力掩二王照  
夜連城肯輕博他年相約秋山邊秋江一派連秋天閒  
聽菱女歌采蓮輕舟一醉眠秋煙

其七

衣冠鐘鬢飄蕭穹廬停獨坐寒宵翰林遣使贈佳句薑

芒鳥跡書生納既倒狂瀾再扶起昔有謫仙原姓李今  
日龍庭忽見君誰道當年太白死文章氣象難形容騰  
龍翥鳳遊秋空筆力萬鈞神鬼泣雷轟電掣驅疾風餘  
裕喜君能綽綽鼓舞爲君子矍鑠解讀奇字笑揚雄識  
厭張華能物博與君握手天山邊舉觴相躡望青天他  
年雅社結白蓮林泉杖履衝雲煙

和張敏之鳴鳳曲韻

寫蛟螭咳珠璣英姿元揀

一作占

碧梧棲彬彬文彩自光

輝有材希晉用矢志欲劉依薦君誰肯借吹噓洪才大  
筆識窮稀鯤遊翻海震鵬舉翥天飛聞渠蟾窟攀仙桂

何似冥山破鐵圍天開強認假生死世上本無真是非

濃歡帶春夢晚景歎殘暉夢斷日沈真可笑輸卻禪人

向上機遮眼開經卷蒙頭壞衲衣息念融凡聖無心應

順違震風威橫擔柳栗萬山歸案王荆公詩道人手持柳栗杖又范成大詩痛

辨柳栗隨身慎詩白雲林泉空寂無人語

和孟鶴之韻

平陽聞有鄉人孫封書上我僅萬言討論墳典造極致

商推古今窮深源文章高出蘇黃輩英雄不效秦儀志

志圖仁義濟元元異比無雙瑚璉器淪落塵埃德不孤

梅軒結友天一隅我惜鹽車困騏驎騰驥未得踏亨塗

囊牖繩樞甘儉薄飢腸霉轉充糟粕他日佳聲聞九天  
富貴之來不得卻丁年黃卷樂平生鄉閭一諾千金輕  
滄浪清處閑濯纓才名高價如連城筆下有神詩有眼  
五車書史窮編簡一舉高登甲乙科曾對闐闐持手版  
天兵一鼓下睢陽旌旗整整陣堂堂玉石俱焚君子隱  
北渡來依且月光徒步黃塵千里遠猶抱遺經究微婉  
天產昂藏一丈夫三十未遇非爲晚聞望早冠儒林叢  
燦然星宿羅心胸馳驟大方誰並駕絕塵奔逸其猶龍  
若是昆吾玉可切錐錯不是尋常鐵利穎神鋒人未知  
寶匣空閑三尺雪何如搜出螭龍鞭一聲霹靂轟青天



歲旱須君作霖雨拔茅進用其蒞連天子明道求國棟  
鵬飛全藉天風送鳳池波暖百花新詠游不作江湖夢

和陳秀玉縣黎詩韻

石門九月西風高

黎出於石門之北道化縣

縣黎萬樹金垂梢清溪

秀玉道號也

千里攜贈我藤筐初發香盈包謫仙風度清溪

亞春風曾飲梨花下不用紅妝唱採蓮醉望青天歌二

雅我有斗酒清且醇同君薦此鵝黃新初見清香剖金  
卯更看削玉飛霜鱗縹葉紫條何足錄夜光安可同魚  
目文園塵渴政難禁咀嚼冰雪刺香玉

和冀先生韻

東垣士大夫以興王聖德詩見寄用酬雅意

運出三爻兌

以太乙推之而得

龍飛九五乾要荒歸化育豪哲

入陶甄有幸恩涵海無私德應天偏師收百越一鼓下  
三川天子能身正元戎不自賢重光道同軌累聖德相  
聯策決九重內功歸萬乘權羣雄哀稽顙多士喜摩肩  
輔弼規左右丞疑贊後前開夷逾漢武平叛跨周宣冠  
蓋通窮域車書過古坻覽機雲母障受諫翠華駟款塞  
諸蠻洞來朝百濟船降王趨陛闕強虜列氓編淨掃妖  
氛變潛消烽火煙詞臣遊館閣幽隱起林泉堯舜文明  
盛商姬禮樂全九成含古奏二雅詠新篇世與千百世

年斯億萬年宗親成蕃固國祚等瓜絲聖政與大頌天  
威萬古傳勉旃封禪事不可策安邊

昔禮部來請封禪王世宗開國無幾以封禪為疑致

遂罷封禪事其時國古封禪無幾母帝受東華聖德神靈

神國以次有封禪封禪前國英靈聖主平幾幾萬宜封

禪以封禪封禪封禪封禪封禪封禪封禪封禪封禪封禪

三以天子神聖也示民不肖聖聖大哉何德聖聖聖德

人神聖也神聖也神聖也神聖也神聖也神聖也神聖也

神聖也神聖也神聖也神聖也神聖也神聖也神聖也

甚然若士文集卷六終王世宗神聖也神聖也神聖也

湛然居士文集卷二目次

和百拙禪師韻

和平陽李君實吟醉軒

從聖安澄老借書

題西菴師藏佛牙二首

和移刺繼先韻二首

過陰山和人韻四首

再用前韻

復用前韻唱玄

用前韻送王君玉西征二首

用前韻感事二首

過清源和香山居士韻

和裴子法見寄

用李德恆韻寄景賢

過天德和王輔之四首

槐安席上和張梅韻

思親有感二首

思友人

贈李郡王筆

寄雲中臥佛寺照老

寄李陽淨名院潤老

贈雲川張道人

贊李俊英所藏觀音像

題西安歸一室

有序

和景賢還書韻二首

外道李浩求歸再用韻示景賢

外道李浩和景賢霏字韻余再和呈景賢

和楊君敬韻二首

過天寧寺用彥先韻二首

過天山周敬之席上和入韻二首

和入韻

丁亥過沙井和移刺子春韻二首

再過晉陽獨五臺門化二老不遠迎

過清源謝汾水禪師見訪

玉屋道中

湛然居士文集卷二目次終

湛然居士文集卷二

元 耶律楚材 晉卿 著

和百拙禪師

十方世界是全身氣宇如玉絕比倫與奪機中明主客  
正偏位裏辨君臣眠雲臥月辭三島鼓腹謳歌預四民  
了了時誰可曉閑人原不是閑人

題平陽李君實吟醉軒

古晉君實世所希幽軒佳號兩相宜長鯨海量嫌甜酒

彩筆天才笑小詩

案白詩嫌甜酒  
笑小詩乃疊韻

七步賦成文粲爛千

鍾不惜錦淋漓

一作千  
鍾飲徹

何當杖履遊平水得預君家吟



醉時

從聖安澄老借書

湛然寢語寄西堂此個因緣果異常陽老十門剛結案  
欽公五派強分贓劍逢劍客須拈出詩遇詩人何必藏  
居士病多諳藥性聖安得效不傳方

口云謂傳心法如大醫王應病予藥

題西安所藏佛牙二首

殷勤敬禮辟支牙緣在西菴居士家午夜飛光驚曉月  
六時騰焰燦朝霞一番頂帶因初結七轉生天果不差  
庸士執方猶未信防風安得骨專車

其二

旃檀匣裏貯靈牙來自中天尊者家瑩色冷侵秋夜月  
眞光明射晚晴霞本同舍利原無別疑是金剛事有差  
案傳奕事以金剛鑽碎  
偽佛牙乃羚羊角偽造也猶憶廣長舌左右咀嚼風雨

震雷車

和移刺繼先韻二首

案移刺即耶律欽定  
金史元史逕改國語

舊山盟約已愆期一夢十年盡覺非瀚海路難人去少

天山雪重雁飛稀漸驚白髮盈辭老未濟蒼生曷敢歸

去國遲遲情幾許倚樓空望白雲飛

又

采藥王侯懶屬文時危何處覓元勳他年收拾琴書去

笑飲林泉

過陰山和人韻

案陰山即西金山過此則為斜米思干城應詳文正所作西遊錄

陰山千里橫東西秋聲浩浩明秋溪猿猱鴻鵠不能過

天兵百萬馳霜蹶

案太祖成吉思汗由此用兵回部及印度萬頃松風落松

子鬱鬱蒼蒼映流水六丁何事誇神威天台羅浮移到

此雲霞掩翳山重重峯巒突兀何雄雄古來天險阻西

域人煙不與中原通細路縈紆斜復直山角摩天不盈

尺溪風蕭蕭溪水寒花落空山人影寂四十八橋橫雁

行勝遊奇觀真非常臨高俯視千萬仞令人凜凜生恐

惶百里鏡湖山頂上且暮雲煙浮氣象山南山北多幽

絕幾派飛泉練千丈大河西注波無窮千溪萬壑皆會  
同君成綺語壯奇誕造物縮手神無功山高四更纔吐  
月八月山峯半埋雪遙思山外屯邊兵西衣冷徹征衣  
鐵

又

羸馬隱山道悠然遠思寥青巒雲靄靄黃葉雨蕭蕭未

可行周禮誰能和舜韶嗟吾浮海粟何礙八風飄

按西遊記

輪臺韓詩夜宿陰山下陰山夜寂寥長空雲黯黯大樹  
葉蕭蕭萬里程途遠三冬氣候醜全身俱放下一任

蓬

又

八月陰山雪滿沙清光凝目眩生花插天絕壁噴晴月  
擊海層巒吸翠霞松檜叢中疏吠畝藤蘿深處有人家  
橫空千里雄西域江左名山不足誇接西遊記過沙陀  
沙遠望那知是眼花漸見山頭堆玉屑遠觀日腳射銀  
霞橫空一字長千里照地連城及萬家從古至今常不  
壞吟詩寫  
向直南誇

又

陰山奇勝詎能名斷送新詩得得成萬疊峯巒擊海立  
千層松檜接雲平三年沙塞吟魂遯一夜瓊宮客夢清  
遙想長安舊知友能無知我此時情

再用前韻

河源之邊鳥鼠西陰山千里號千溪倚雲天險不易過  
驢驕蹋蹙追風蹏簽記長安五陵子馬似游龍車似水  
天王赫怒山無神一夜雄師飛過此盤雲細路松成行  
出天入井實異常王尊疾驅九折坂此來一顧應哀惶  
崢嶸突出峯峭直山頂連天纔咫尺楓林霜葉聲蕭騷  
一雁橫空秋色寂西望月窟九譯重嗟乎自古無英雄  
出關未盈十萬里荒陬不得車書通天兵飲馬西河上  
欲使西戎獻馴象旌旗蔽空塵漲天壯士如虹氣千丈  
秦皇漢武稱兵窮拍手一笑兒戲同塹山陵海匪難事  
翦斯羣醜何無功騷人羞對陰山月壯歲星星髮如雪

舊廬展轉清不眠霜匣閑殺銀鉛鐵

秦皇復用前韻唱玄

天涯流落從征西寒盟辜負梅花溪昔年學道頗得趣  
魚兔入手忘筌蹠殘編斷簡披莊子日日須當頌秋水  
誰知海若無津涯河伯源流止於此人閒醬缶紙數重  
來玄強草嗤揚雄高臥蒿萊傲唐室清風千古獨王通  
按此誤文中子王仲淹卒年三十五在開皇大業間曲者自曲直者直何必區區  
較繩尺一筆劃斷閑是非萬事都忘樂岑寂功名半紙  
幾字行競美成績書太常只知牢筴饗芻豢不思臨刃  
心悲惶何如打坐蒲團上參透昇平本無象一餅一鉢

更無餘容膝禪菴僅方丈從教人笑徹骨窮生涯原與  
千聖同鳥道雖立功尙在禾如行取無功功歸來踏破  
澄潭月大拍洪爐飛片雪且聽石女鳴巴歌萬里志圍  
無孔鐵

用前韻送王君玉西征二首

湛然送客河中西西域城名乘輿何妨過虎溪清茶佳果饒

行路遠勝濁酒烹馳蹏結交須結真君子君手之交淡  
如水一從西域識君侯傾蓋交歡忘彼此當年君臥東  
山重守雌默默原知雄五車書史豈勞力六韜三略無  
不通詩詠珠璣無價直青囊更有琴三尺奉命西來典



重兵不得萊齋樂真寂魚麗大陣兵成行行師布置非  
尋常先生應詔入西域三軍駭異皆驚惶武皇習戰昆  
明上欲討昆明戮象吾臺兵過海西邊氣壓炎劉干  
萬丈先生一展才略窮百蠻冠帶文軌同威德洋洋震  
天下大功不宰方爲功隱居自有東山月風拂松花落  
香雪退身參到未生前方信秤錘原是鐵

其二

先生應詔將征西湛然送客涉深溪徘徊一舍未忍去  
兵車暫駐天駒蹏猶憶今春送君子桃李無言映流水  
寒暑催遷奈老何秋風革律重來此關山險僻重複重

西門雪恥蒙豪雄定遠奇功正今日車書混一華夷通  
先生純德如矢直詎爲直尋而枉尺功成莫戀聲利場  
便好回頭樂空寂故山舊憶松千行奇峯怪石原異常  
前日盟言猶在耳猿鶴思怨空悲惶我擲直鉤魚不上  
須信遊鱗畏龍象冥鴻一舉騰秋空誰羨文章光萬丈  
道兮人作非天窮區區何必較異同語默行藏在乎我  
退身奚論無成功安東幸有闢山月萬頃松風萬山雪  
收拾琴書歸去來脩心須要金成鐵

用前韻感事二首

稱斤甘齋賣東西誰信無人採五溪

按高力士詩西京作斤賣五溪無人

鵬異羣禽全六翮殊凡賦具五蹄昔年學道宗夫子  
盈科後進如流水蟄龍猶未試風雷萍泛蓬飄而至  
此緼袍肯發百結重不學亂世奸人雄忘憂樂道志不  
二守窮待變變則通歲寒松柏蒼蒼直摩雲直待高千  
尺桃李無雲蹊自成此君冷淡人何寂生平恥與噲伍  
行杜門養拙安天常澤民致主本予志素願未酬予恐  
惶否塞未能交下上何日亨通變爻象不圖廊廟爲三  
公安得林泉參百丈按百丈乃馬祖弟子曹溪之四傳也居士身窮道不  
窮庸人非異是所同筆頭解作萬言策人皆笑我勞無  
功流落遇荒淹歲月贏得飄蕭雙鬢雪謀生太拙若勿



徒勞牙角拔犀象唯思仁義濟蒼生豈爲珍羞列方丈  
簞瓢陋巷救孤窮鴻鵠安與燕雀同天與之才不與地  
反令賢子成其功安得方明依日月功名未立頭如雪  
問君此錯若爲多使盡三十四州鐵天恩大

過濟源和香山居士韻

單懷勝遊地濟瀆垂名久忽見樂天吟笑我輸先手麗  
詞金玉振老筆風雷走乘興試續貂啟我談天口平湖  
湧泉注清涼瑩無垢憑檻瞰漣漪風髯塵抖搜龍孫干  
萬竿蒨翳濃陰厚沁水濟源東天壇王屋右秀色已可

餐何須杜康酒步步總堪詩佳篇如素有賡酬淡相對

獨有龍岡叟亭上幾徘徊斜陽西入酉晚年歸意切對

此空沈首何日遂初心營居碧林後一作翠林

和裴子法見寄

人生都幾何半被功名役一旦燕山破西行過千驛顛

沛不違仁先難而後獲鵠鵠捐腐鼠烏鳶其勿嚇扈從

出天山從容避大石按大石謂西遼耶律大石建牙之所琴書淡相對尙

未忘正索前歲入關中戈甲充商號明詔典蘭省自愧

承深責秦隴劫成灰京索空陳迹長河尙濁流南山自

濃碧把酒酬青天興亡弔今昔長安非衣君壯年學問

積按裴晉天土玉麒麟英才可珍惜詩魂素月高飲量

滄海空清談珠玉便腹筭經籍服君百韻詩謝子萬  
言策易道已變屯世爻富應革惟陰正虛襟左車宜籌  
畫須要蓮峰手乾坤再開闢昂藏綠野翁真我龍門客  
用李德恆韻寄景賢

牢落十年扈御營瑤琴忘盡水仙聲酷思詩酒閑中樂  
見說干戈夢裏驚林下因緣千古重人間富貴一錢輕  
此身未退心先退獨有龍岡識我情

過天德和王輔之四首

天縱吾君大聖人天兵所指弭煙塵三齊電掃何須鄙  
六國雷驅不用秦誅佞未聞曾請劔劼姦誰肯試埋輪

伴餐黃閣空無輔自笑龍鍾一老臣

其二

六師嚴駕渡長河師不留行誰敢何

按何與訶同

千里旌旗

翻錦浪一聲金鼓振寒波殷七誰道三仁在康滅空傳

五子歌唾手要荒歸一統漢唐鴻業未能過

其三

積年勳祿領台司位重才微甚不宜地上流錢慚晏算

樽前決勝憐長帷過情聲聞傳人口似直愚忠結主知

三徑荒涼松菊在他時舍此復何之

其四



愁老先生本素臣洪才大筆力千鈞沽名不築傳巖版  
賈世誰垂渭水綸舟泛五湖希范蠡腰懸六印笑蘇秦  
章編三絕耽義易蕭散風神真隱人

甘齋五溪人不採兩京高價賣秤斤君方淪落羞看我

我亦飄零懶問君人遠空殘眉上黛愁深不整鬢邊雲  
誰憐古戍寒窗下新樣梭成織錦文

思親有感二首

遊子栖遲久不歸積年溫清闕慈幃囊中昆仲親書貼  
篋內萱堂手製衣黃犬不來愁耿耿白雲空望思依依

欲憑鱗羽傳安信綠水西流雁北飛

其二

伶仃萬里度西陲壯歲星星兩鬢絲  
白雁來時思北闕黃花開日憶東籬  
可憐遊子投營晚正是媀親倚戶時  
異域風光恰如故一消魂處一篇詩

思友人

落日蕭蕭萬馬聲東南回首暮雲橫  
金朋蘭友音書絕玉軫朱絃塵土生  
十里春風別野店五年秋色到邊城  
雲山不礙歸飛夢夜夜隨風到玉京

贈李郡王筆

管城縱我自燕都流落遐荒萬里餘  
半札秋毫裁翡翠  
一枝雪竹翦瓊瑤  
鋒端但可題塵景  
筆下安能劃太虛  
聊復贈君爲土物  
中書休笑不中書

寄雲中臥佛寺照老首

像教中微祖意沈  
盧能嫡子起予深  
看經不怕牛皮透

公見閱藏故云著眼常聽露  
柱吟行道權居臥  
佛寺活機特異

死禪心憑君摘取  
空華實好種人閒  
無影林

寄平陽淨明院潤老

昔年平水便相尋  
握手臨風話素心  
刻燭賦成無字句

按徽彈徽沒絃琴  
風來遠渡晚潮急  
雨過寒塘秋水深

此樂莫教兒輩覺又成公案滿叢林

贈雲川張道人

雲川道士有詩聲刻篆雕蟲醉未醒素扇自甘贖碧笠  
因西人奪笠渠以扇贖之故云玄鶴不肯換黃庭春秋榮悴悲椿木晦  
朔生凋笑瑞冀何似擴開真日月區區燭火任熒熒

贊李俊英所藏觀音像

白衣大士足威神蓮智興悲詎可陳金色界中垂萬臂  
碧蓮花上坐全身鎮州鑄就金難似天竺鑄來玉未真  
不識觀音真面目鶯吟燕語過殘春

題西菴歸一堂

搏霄元帥築西菴於廳事之隅以舍沙門建歸  
一堂置三聖廟貌屏山居士有云卷波瀾於聖  
學之域徹籓籬於大方之家其搏霄之謂乎偶  
得亂道韻詩錄呈諸士大夫幸希光和仍請西  
菴上人書之楹棟閒爲他時林下清話張本云  
三聖真元本自同隨時應物立宗風道儒表裏明墳典  
佛祖權宜透色空曲士寡聞能異議達人大觀解相融  
長沙賴有蓮峯掌一撥江河盡入東

和景賢還書韻二首

居士今年又出關琴書真味伴予閑簡成草略初無意

語闕治擇誤犯顏漆水自慚貽口實龍岡卻得破詩慳  
衰翁幸乞贖前過一炷清香論八還

其二

淵明幽隱掩柴關琴已忘絃人亦閑靜倚書窗獨寄傲  
笑觀庭樹自怡顏五音格外聲何限百草頭邊法不慳  
蠢譜斷絃無用處因風得得寄書還

景賢索絃譜  
故有是句

外道李浩求歸再用韻示景賢

自從一箭透重關觸處忘緣觸處閑莫問羔裘橫毳衲  
從教華髮映蒼顏水聲說法起予甚山色呈機不我慳  
寄客天涯樂如許問渠何必更南還

外道李浩和景賢霏字韻予再和呈景賢

塵緣割斷已忘機布鼓徒敲和者稀中隱強陪人事過  
禪心不與世情違昔年勲業真堪笑舊日家山懶欲歸  
我愛北山真境界乾坤一色雪花霏

和楊居敬韻二首

自媿才術草芥微偶然千載遇明時惟希一統皇家義  
何暇重思晁氏危仁義且圖扶孔孟縱橫安肯効秦儀  
行看堯舜澤天下萬國咸寧庶績熙

其二

詔下龍庭萬國歡野花啼鳥總欣然熙朝龜卜符千億

聖主龍飛第一年至道變通皆有數浮生富貴本由天  
誰人得似楊公子傲世高吟數百篇  
過天寧寺用彥老韻

十年不得舞衣斑行盡天涯萬里山黃閣伴餐空皓首  
蒼生未濟漫胡顏新朝兵革征方急舊隱煙霞尙未還  
衮衮簿書塵滿眼衰翁奚暇謁松關

又

今日從征亦偶然天寧遙憶思懸懸貪榮不得還山去  
須信衰翁未古賢

過天山周敬之席上和入韻二首



淪落天涯數十秋區區班筆早年投探薇山下慵拈草  
洗耳溪邊懶飲牛振武揚威難射虎忘機絕慮不驚鷗  
當年射策承明殿未必輕輕輸呂籌

其二

憩馬居延酒半醺寂寥寒館變春溫未能鵬翼騰溟海  
不得鴻書過雁門千里雲煙青塚暗一天風雪黑山昏  
天涯幸遇知音士仔細論文共一樽

和人韻

四海皇皇無所歸夢魂常繞故園飛海山不羨學居易  
華表留言笑令威毛落難尋蘇子節囊空猶有老萊衣

靜思二十年間事擾擾紛紛盡覺非

丁亥過沙井和移刺子春韻二首

科登甲乙戰文圍吾子才名予獨知巢許身名君易樂  
蕭曹勳業我難為有恆得見真無憾知己相逢未忍離  
攜手河梁重話舊胡然羞和子卿詩

其二

行藏俯仰且隨時緼袍懷珠人未知燕雀既羣難立志

鳳凰不至擬胡為可嗟世態頻更變何奈人生多別離

莫忘天山風雪裏湛然駝背和君詩

子昨至沙井乘牛車過前路跨驄方

達行在隅得隔句一聯云牛車馳傳頗異相如  
駟馬車馳背吟詩不似竹林七賢畫成有是句

再過晉陽獨五臺開化二老不遠迎

高岡登陟馬玄黃落日西風過晉陽  
道士歡迎捧林菓  
儒冠遠近挈壺漿五臺強健頭如雪  
開化輕安鬢未霜  
誰會二師深密意趙州元不下禪牀

過清源謝汾水禪師見訪

汾水禪師個裏人杖藜尋我過清源  
半盂紅菓情何厚  
一盞清燈話細論山水景中君得意  
兵戈雖裏我消魂  
他年相約雲深處松竹蕭蕭靜掩門

王屋道中

勝克河中號令齊神兵入自太行西  
昏昏煙鎖天壇暗

漠漠雲埋王屋低風軟卻教冰泛水  
一作冰寒輕還使  
雪成泥行吟想像覃懷景多少梅花坼玉溪  
解水

[Faint, mostly illegible vertical text columns]

湛然居士文集卷二終  
附錄  
寒暄

湛然居士文集卷三目次

和解天秀韻

用萬松老人韻作十詩寄鄭景賢

萬松老人真贊

贈萬松老人琴譜詩

寄曲陽戒壇會首大師

和王巨川韻

釋奠

和移刺子春見寄五首

寄移刺國寶

寄鄭景賢二十首

和鄭景賢韻三首

和李世榮韻

和鄭景賢二十首

又一首

和王君玉韻

過東勝用先君文獻公韻二首

過夏國新安縣

過青塚用先君文獻公韻

過青塚次賈搏霄韻二首

再用韻以美搏霄之德

再用韻自歎行藏

再用韻感古

再用韻唱玄

過雲川和劉正叔韻

過雲中和張伯堅韻

過雲中和張仲先韻

過雲中和王正夫韻

過白登和李振之韻

過天城和靳民澤韻



過武川贈僕散舍人

過燕京和陳秀玉韻五首

還燕京題披雲樓和諸士大夫韻

和威靈珍上人韻

和李德脩韻

湛然居士文集卷三目次終

湛然居士文集卷三

元 耶律楚材 晉卿 著

和解天秀韻

猛士彎弓挽六鈞長驅入汴政施仁前朝運謝山河古  
聖世時亨雨露新未遇自甘焚綠綺知奇不必借陽春  
朝廷將下搜賢詔莫戀煙霞老此身

用萬松老人韻作十詩寄鄭景賢

檀廬同抵足談道月西沈議論馨香發文章蘊藉深正  
便邊氏腹不止謫仙襟自得逍遙意何須泊鄧林

其二

豐城三尺劍神氣尙埋沈  
確論穿楊的生機劈筈深天  
眞貯便腹浩氣塞征襟  
佇看澤天下清風冠士林

其三

破船無滲漏流水不能沈  
霧鎖青山秀花藏古徑深  
白雲陪野興晴月洗煩襟  
絕後重甦息飛花枯木林

其四

隱隱三星出依依片月沈  
鶴飛遼海闊猿嘯楚山深  
柳色雲沾袖蘆花雪滿襟  
普天秋意露一葉墜梧林

其五

玄珠羅帳密寒鼎篆煙沈  
翡翠疏簾隔琉璃古殿深  
木

來無垢體何必拂塵襟  
斫卻蟾中桂方成假若林

案假若疑

般若之誤

其六

鰲餌不須針聊將玉線沈  
須彌猶未大渤海豈為深悟

後牛穿鼻迷時馬有襟

案韓詩馬牛而襟裾

七人何所慕幽鳥在

嵩林

其七

箇事不容針迷途自陸沈  
西天三步遠東海一盃深涼

月盛玄鉢輕雲翦素襟  
曹溪無一滴波浪沸禪林

其八

流波無放蕩死水暮平沈機盡方鈎隱綸空正釣深赤  
心休惜日青眼好開襟誤捉溪中月火人似翰林

其九

夢覺方知錯生平自屈沈滌塵千澗外遺照亂松深柳  
帶縫穿屣荷衣綴破襟寂寥選佛味何似宴瓊林

其十

漁家何足好乘興一鈎沈路僻蒼苔滑舟橫古渡深小  
晴掀筍笠微雨整蓑襟夢斷知何處寒潮沒晚林

不覺青林

沒晚潮

案東坡句

萬松老人真贊

昔無盡居士題恆岳廟云聰明厭血食悔不值  
元珪茲因恆州四眾敦請萬松老師師不行且  
以頂相付之門弟湛然居士再拜而贊之曰  
每恨恆山不逢珪老四眾同緣萬松親到

萬松老人琴譜詩一首

萬松素琴并譜余以承華殿春雷及種玉翁悲

風譜贈

良夜沈沈人未眠  
桐君橫膝叩朱絃  
千山皓月和煙靜  
一曲悲風對譜傳  
故紙且教遮具眼  
聲塵何礙污幽禪  
元來底許真消息  
不在絃邊與指邊

寄曲陽戒壇會首大師

四眾飛書請萬松不消彈指已成功燈籠證據真談辨  
露柱承當不耳聾梵行細推無據所戒壇須信塞虛空  
無為濟物誰能悉惟有東垣月拂風

和王巨川韻

文田案西遊記稱宣使王巨川楫黑韃事略作王楫蓋太祖時官宣撫御史大夫也

聖駕祖征率百工貔貅億萬入關中周秦氣焰如雲變  
唐漢繁華掃地空灞水尙存宮柳綠驪山惟有驛塵紅  
天兵一鼓長安克千里威聲震陝東

釋奠

王巨川能於灰燼之餘草創宣聖廟以己丑

二月八日丁酉率諸士大夫釋而奠之禮也諸  
儒相賀曰可謂吾道有光矣是日四眾奉迎釋  
迦遺像行城歡聲沸沸僕皆預其禮作是詩以

見意云

多士雲奔奠上下

案上下疑  
上費之誤

釋迦遺像亦行城旌幢錯

落休迷色鐘磬鏗鏘豈在聲宣父素心施有政能仁深  
意契無生儒流釋子無相諷禮樂因緣盡假名

和移刺子春見寄五首

四海皇皇足俊賢浪陪扶日上青天且圖約法三章定  
寧羨浮榮六印懸潤色吾術惟恐後扶持天下敢爲先



過情聲聞予深恥可笑虛名到處傳

其二

生遇干戈我不辰十年甘分作俘臣  
施仁發政非無據論道經邦自有  
人聖世規模能法古汙俗習染得  
維新英雄已入吾王彀從此無人  
更問津

其三

且喜朝廷先正名林泉隱逸總公卿  
羣雄一遇風雲會萬國咸觀日月  
明丹鳳固應潛亂世白麟自合出  
昇平

竚看

一作快遇  
一作顯觀

北闕垂溫詔夜半前席進賈生

其四

舉世寥寥識我誰  
未學弓矢愧由基  
衰年有幸彈三樂  
盛世無由出六奇  
棄物且存光海量  
散材獲用荷天私  
微臣自忖將何報  
信筆裁成頌德詩

其五

邂逅沙城識子初  
天山風雪醉吟餘  
文章光焰君堪羨  
節操儀型我不如  
麴檠卿中前進士

渠有詩云老去唯  
耽麴檠春故有是

句風波堆裏老中書  
他年歸去無相棄  
回到閩山舊隱居

寄移刺國寶

昔年萍迹旅京華  
曾到風流國寶家  
居士爲予常吃素

先生愛客必烹茶明窗揮塵談禪髓淨几焚香頂佛牙  
回首五年如一夢夢中不覺過流沙

公所藏佛牙甚靈異

寄景賢一十首

龍岡能覓談中歡心與孤雲自在閑琴院生涯事松菊  
詩書活計老丘山叩絃聲自無中出得句思從天外還  
踏破化工無盡藏閑人受用亦非慳

其二

龍岡漆水兩交歡縱意琴書做老閑未得一言安海內  
已輸三箭定天山肯容詩思妨心慧豈使聲塵礙耳還  
信手拈來無不是清風明月有何慳

其三

人閒聚散妄悲歡何似林泉避世閑十載殘軀遊瀚海

積年歸夢遶閩山

先人舊隱居也

空巖猿鶴招予往滿架琴書

伴我還多謝龍岡憐老隱新詩酬酢路無慳

其四

絃索詞章且助歡羨渠臨老得安閑琴歌愛子彈秋水

佳句服君仰泰山聲古調淒真可聽辭雄韻險實難還

先難後易今方省名士襟懷本不慳

其五

宦情觸處不成歡未得浮生半日閒薦鶚有書慚北海

澤民無術愧東山  
琴書氣習終難忘  
巖壑荒園怎得還  
卜隱龍岡成老伴  
肯教詩思筆頭慳

廣文憐我失清歡  
每書琴書伴我閑  
痛憶金聲并玉振  
酷思流水與高山  
詩壇吝嗇猶深閉  
琴債遲延未肯還  
一狀如今都領過  
龍岡須破兩重慳

其七

琴書我子盡幽歡  
隨分消磨日月閑  
佳句典型傳四海  
水仙聲韻徹三山  
每慚木李投君去  
卻得瓊瑤報我還  
從此龍岡開廩藏  
徽邊筆下便無慳

其八

世閒何事最為歡，爭似能偷忙裏閑。  
得遇夜晴須對月，每逢春盛強登山。  
無錢沽酒和衣典，一作和琴典圖利吟詩。  
倍本還綺語，千章琴百曲，莫教風月笑人慳。

其九

我與先生久已歡，而今皆願老來閑。  
同舟載棹醉觀月，並轡騎驢飽看山。  
綺句綴成連譜換，純音彈了著詩還。  
琴詩此際備拈出，可怨龍岡為紙慳。

其十

閑人閑裏竟閑歡，未得回光未是閑。  
叩道一螺斟巨海

參玄千里望恆山但能透鐵穿三句何必拖泥辨八還  
个事人人皆富有含珠休怨釋迦慳

和景賢韻五首

龍岡便腹盡詩書落筆雲煙我不如一紙安書思塞雁  
十年歸興憶鱸魚託身醫隱君謀妙委跡儒冠吾計疏  
何日相將歸故里翠微深處卜幽居

龍岡又

龍岡走筆和清篇出示珠璣寄湛然字古意新看不足  
挑燈寒雨夜無眠

摩撫瘡痍正是醫微君孰肯拯時危萬金良策悟明主  
厚德深仁四海施

和李世榮韻

異同誰足據俯仰且隨緣居士難聯句梅軒卻解禪無  
雲皆皓月何處不青天話到忘言處迢迢夜不眠

口云盡是

傳燈偈頌

和景賢十首

龍岡居士得賢君聞道賢君增所聞節操鵝鷄搗鼠餌  
風神野鶴立鷄羣只知輔嗣能談易誰識相如善屬文  
擬欲贊君言不盡區區微意見詩云



其三

天下奇才鄭使君，清名不使世人聞。  
五車書簡獨窮理，三峽詞源迥出羣。  
未得開懷重話舊，常思抵足共論文。  
自從一識龍岡老，餘子紛紛不足云。

其三

一聖龍飛敢擇君，嗟予潦倒尙無聞。  
蒼生未識鴻鵠志，皓首甘遊麋鹿羣。  
黃雀已歸奚望報，彩禽飛去不能文。  
龍岡獨慰孤窮悶，時有新詩報我云。

其四

試和新詩寄鄭君，無言談道不聞聞。  
怡心更索搗中道。

養性渾如鞭後羣，玄語諄諄非是說。眞書歷歷不關文，  
儒生束教嫌虛誕。得意忘言孔子云，口云三句謂絕學  
句譬之牧羊，其後者而鞭之。捐書乃能見道四

其五

文章自愧不如君，敢以玄言瀆所聞。有道居塵何弄俗，

無心入獸不驚羣。

案此蒙莊語

重玄消息無多子，半紙功名

值幾文。回首死生猶是幻，自餘何足更云云。

其六

換韻

十年不遇一相知，恰識龍岡恨見遲。常愛箕山能洗耳，

何堪鄰舍恁顰眉。榮枯貴賤難逃數，用舍行藏自有時。

案機緣之契否自有其時心事紛紛無處說援毫閑賀景賢詩

其七 感事

萬里西來過月氏

案大月氏今愛烏罕入北印度必由之

初離故國思遲

遲人情慚媿三鬚面人世梳妝半額眉田上野夫空歎

鳳澤邊漁父不傷時龍岡本具英雄眼幾倩東風寄我

詩

其八

讀唐史有感

林甫滔天聖不知三郎深恨識卿遲塵中妃子春羅襪

錢上開元指甲眉七夕殿中祈巧夜三秋原上摘瓜時

長天忽見飛來雁垂淚空吟李嶠詩

其九

李楊相繼領台司，兵起漁陽禍已遲。  
向時正惜花解語，而今空憶柳如眉。  
心傷桃李初開夜，腸斷梧桐半落時。  
試問宮中誰第一，三郎猶記謫仙詩。

其十

往來寒暑暗推移，下手修行猶太遲。  
迷後徒勞常捏目，悟來何必更揚眉。  
宗門淘汰宜窮理，道眼因緣貴識時。  
祇爲龍岡心猛利，湛然剛寫不言詩。

又一首

龍岡醫隱本知機，薰蕕同盤辨者稀。  
廊廟虛名無意戀，

林泉夙願與心違  
羨君綽綽有餘裕  
笑我皇皇無所歸  
尙憶當年垂釣處  
一江煙雨靜霏霏

和王君玉韻

王孫蒙饋飯靈輒未扶輪  
自笑孤窮客誰憐  
衰病身黃沙萬餘  
墨白髮一孀親腸斷  
山城丹徘徊照遠人

過東勝用先君文獻公韻二首

荒城蕭灑枕長河  
古字碑文半滅磨  
青塚路遙人去少  
黑山寒重雁來多  
正愁曉雪冰生碗  
不惹西風葉墜柯  
偶憶先君舊遊處  
潛然不奈此情何

其三

依然千里舊山河事改時移隨變磨巢許家風烏可少  
蕭曹勳業未爲多可傷陵變須耕海不待碁終已爛柯  
翻手榮枯成底事不如歸去入無何

過夏國新安縣

時丁亥九月望也

昔年今日渡松關

西域陰山有松關

車馬崎嶇行路難瀚海潮

噴千浪白

一作千里雪

天山風吼萬林丹氣當霜降十分爽

月比中秋一倍寒回首三秋如一夢夢中不覺到新安

過青塚用先君文獻公韻

漢室空成一土丘至今仍未雪前羞

一作可惜冰姿瘦古丘佳人猶自夢

中羞不禁出塞陟沙磧最恨臨軒辭冕旒幽怨半和青塚

月閑雲常鎖黑河秋滔滔天塹東流水不盡明妃萬古  
愁

過青塚次賈搏霄韻二首

當年遺恨歎昭君玉貌冰膚染塞塵邊塞未安嬪侮虜  
朝廷何事拜功臣朝雲雁唳天山外殘日猿悲黑水濱  
十里東風青塚道落花猶似漢宮春

其二

延壽丹青本誑君和親猶未斂胡塵穹廬自恨嬪戎主  
泉壤相逢愧漢臣玉骨已消青塚底香魂猶遶黑河濱  
愁雲暗鎖天山路野草閑花也怨春

再用韻以美搏霄之德

去歲雲川始見君澄澄胸次淨無塵山南第一珪璋士

冀北無雙柱石臣

公領師職故云

萬里雲松斜谷外千竿水竹

渭河濱他年歸隱重相訪無影林閒別有春

再用韻自歎行藏

箕裘家世忝先君慚愧飄蕭兩鬢塵自古山河歸聖主  
從今廊廟棄愚臣常思臥隱雲鄉外肯放行吟澤國濱  
驛使不來人已老江南誰寄一枝春

再用韻感古

宜尼名教本尊君賊子千常犯蹕塵鹿失羸秦無令主



鼎分炎漢有能臣  
宋朝南渡尤天水  
遼室東傾罪海濱  
回首興亡都莫問  
不如沈醉瓮頭春

再用韻唱玄

重玄不惜說知君  
又恐重添眼裏塵  
臨濟喝中分主客  
洞山言下辨君臣  
持鈴普天搖空裏  
垂釣華亭沒水濱  
勘破遮般閑伎倆  
鐵林花發劫前春

過雲川和劉正叔韻

西域風塵汗漫遊  
十年辜負舊漁舟  
曾觀八陣雲奔速  
親見三川席卷收  
煙鎖居延蘇子恨  
雲埋青塚漢家羞  
深思籬下西風醉  
誰羨班超萬里侯

過雲中和張伯堅韻

一掃氏羌破吐渾羣雄悉入北朝吞自憐西域十年客  
誰識東丹八葉孫射虎將軍皆建節飛龍天子未更元  
我慚才略非良器封禪書成不敢言

過雲中和張仲先韻

致澤君民本不難言輕無用媿偷安千年潦倒功何在  
三徑荒涼盟已寒巖下藏名思傳說林間談道謁豐干  
案天台三大士其一豐干也挂冠神武當歸去自有夔龍輔可汗

過雲中和王正夫韻

白雪陽春和寡音誰人解聽沒絃琴詩書事業真堪笑

乃尺功名未可欽不信西天三步遠焉知東海一杯深  
元來佛法無多子何必嵩山謁少林

過白登和李正之韻

十年淪落困邊城今日龍鍾返帝京  
運拙不須求富貴時危何處取功名  
驕驤誰識孫陽驥俊逸深思支遁鷹  
客裏逢君贈佳句知音相見眼偏明

過天城和靳澤民韻

西征扈從過龍庭悞得東州浪播名  
琴阮因緣真有味詩書事業拙謀生  
咄嗟興廢悲三歎倏忽榮枯夢一驚  
何日解官歸舊隱滿園松菊小菴清

過武川贈僕散令人

班姬流落到而今聞道翻身入道林  
歌扇舞裙忘舊業藥爐經卷半新吟  
閑眠白晝三杯醉靜對青松一曲琴  
更看他年棲隱處蓬山樓閣五雲深

過燕京和陳秀玉韻五首

回首親朋半土丘嗟予十稔浪西遊  
半生兵革慵開眼一紙功名暗點頭  
下士笑予謀計拙至人知我謂心憂  
再行不憚風沙惡鶴跡雲踪任去留

其二

君恩猶未報山丘自笑還方汗漫遊  
客過玉關驚白髮

要遊金谷覓蒼頭冷官待罪予爲歎陋巷居貧君不憂  
猶望道行澤四海敢辭沙漠久淹留

其三

狐死曾聞尙首丘悲予去國十年遊崑崙碧聳日落處  
渤海西傾天盡頭君子云亡真我恨斯文將喪是吾憂  
尙期晚節回天意隱忍龍庭且強留

其四

餘生不得樂林丘猶憶丁年選勝遊幾帙殘編聊映眼  
一張衲被且蒙頭貔貅已報西門役柱石猶懷東顧憂  
自料荒疏成棄物菟裘歸計乞封留

其五

空驚滄海變陵丘，白晝分明夢裏遊。  
除妄楔邊重出楔，求真頭上更安頭。  
亨通富貴剛生喜，苦惱悲愁強作憂。  
斫斷葛藤閑伎倆，繫驢橛子不須留。

還燕京題披雲樓和諸士大夫韻

閉上披雲第一重，離離禾黍漢家宮。  
窗開青鎖招晴色，簾捲銀鈎掛晚風。  
好夢安排詩句裏，閑愁分付酒杯中。  
靜思二十年間事，聚散悲歡一夢同。

和威靈珍上人韻

十載西游志已灰，南征又自大梁迴。  
扶持佛日慚無力

翔贊皇風愧不才舊約未能林下去新詩常寄日邊來  
何時杖履煙霞裏一笑伸眉得其陪

和李德脩韻

明明聖主萬邦君神武彫弓挽六鈞時有逸人遊闕下  
更無騷客弔江濱衣冠師古乘殷輅歷日隨時建夏寅  
厚德深仁施萬世巍然一代典謨新

湛然居士文集卷四目次

和呂飛卿韻

再用韻送連國華

謝飛卿飯

再用韻紀西遊事

再用韻贈搏霄

再用韻謝非熊召飯

再用韻唱玄

再用韻

和搏霄韻代水陸疏文因其韻為詩十首



寄賈搏霄乞馬乳

謝馬乳復用韻二首

贈搏霄筆

再用韻搏霄二首

再用韻別非熊

愛子金柱索詩

贈賈非熊搏霄一首

和李振之二首

非熊兄弟餞余之燕再用振之韻

和連國華三首

連國華餞余出天山因用韻

還燕和德明韻一首

又和橙梅詩

和竹林一禪師韻

西安上人住夏禁足以詩戲之

送韓浩然用馬朝卿韻

戊子喜雨用馬朝卿韻二首

戊子餞非熊仍以呂望磻溪圖爲贈

和宋子玉韻二首

和李邦瑞韻二首

和邦瑞韻送奉使之江表

和王正之韻三首

祝忘憂居士詩壽呂望

蠟梅二首

謝禪師口公寄閬山紫玉

和鄭壽之韻

寄沙井劉子春

和琴士苗蘭韻

和人韻二首

和武川嚴亞之見寄五首

已丑過雞鳴山自太

寄天山周敬之

邦瑞乞訪親因用其韻

和李邦瑞韻

過清源贈法雲禪師

贈五臺長老

...

...

...

...

...

...

...

...

...

湛然居士文集卷四目次終

湛然居士文集卷四

元 耶律楚材 晉卿 著

和呂飛卿韻

舊說飛卿詞翰全風神  
渾似晉名賢吟詩校子三千里  
押韻輸君一著先筆跡查牙森似戟  
詞源浩瀚注如川  
好詩好字獨余得  
准備攜將帝里傳

再用韻贈國華

學道宗儒難兩全  
湛然深許國華賢  
儒門已悟如心恕  
道藏能窮象帝先  
似海詞源涵萬水  
如鯨飲量吹長川  
而今一識君侯面  
始信清名不浪傳

謝飛卿飯一首

一鞭羸馬度天山，偶到雲川暫解鞍。獨守空房方丈穩，

更無薄酒一盃殘。詩書半蠹絕來客，釜甑生塵笑冷官。

賴有覺非

飛卿道號

憐野拙，長鬚為我饋盤餐。

再用韻記西遊事

河中

西域尋思干城西遼目為河中府案斜米思干城在阿爾泰山之北

花木蔽春山爛

賞東風縱竇鞍，留得晚瓜過臘半。藏來秋菓到春殘，親

嘗芭欖寧論價。自釀蒲萄不納官，常歎不才還有幸滯

留遐域得佳餐。

再用韻贈搏霄

以搏霄戒肉罷鷹犬故以是詩美之

凜凜風神白玉山罷遊鷹犬逞金鞍瑤琴高挂么絃絕  
羲易頻翻斷簡殘息念如僧還有髮忘形見客似無官  
伽陀誦罷爐薰冷一鉢疏羹當曉餐

再用韻謝非熊召飯

行盡遐陬萬里山十年飄泊困征鞍春風燕語歸心切  
夜月猿啼客夢殘聖世因時行夏正愚臣嗜數愧春官  
誰知賢帥開青眼掃灑西菴召我餐

再用韻唱玄

藤條擊破鍊圍山倒跨白牛不鞴鞍講疏僧歸經卷亂  
坐禪人起佛燈殘爲學未必知爲道選佛從教勝選官



百事湛然都不念，祇知渴飲與飢餐。

再用韻

雲山疊疊復雲山，瘦馬蘆鞭矮面鞍。  
瀚海去程千驛遠，揚川歸夢五更殘。  
塵緣淡處應忘世，逸興濃時好解官。  
二頃良田何必覓，春山筍蕨亦供餐。

和搏霄韻代水陸疏文因其韻爲詩十首

資生無畏濟人深，便見能仁六度心。  
塵世捐財矜苦厄，寒林灑飯拔幽沈。  
旣臨巨海鈎神物，試叩洪鍾伺好音。  
今日湛然攀舊例，珠纓休惜挂祇林。

其二

新朝威德感人深，渴望雲霓四海心。  
東夏再降烽火滅，西門一戰塞煙沈。  
顯觀頽朔施仁政，竚待更元布德音。  
好放湛然雲水去，廟堂英俊正如林。

其三

論道西菴愛慕深，推誠片片露丹心。  
瑤琴莫撫相如引，寶鼎休焚韓壽沈。  
花氣渾如三角串，松風全似五絃音。  
清談終日忘歸思，不覺昏鴉噪曉林。

其四

五派分流道愈深，塵中誰識本來心。  
穿心土椀元無漏，沒底膠船卻不沈。  
山色水光呈妙相，鳥啼猿嘯露圓音。

雲霞滯計無求飽何事狂童

獨一作肉林

其五

前生未了妄緣深薄宦相縈負夙心只見淵明能印棄  
誰知居士解舟沈窮通榮辱皆真夢毀譽稱譏盡假音  
中隱冷官閑况味歸心無日不山林

其六

居士才微學未深靜思寧不愧中心難忘北海千鍾酒  
虛負西菴一炷沈綺語儗顰賡險韻瑤琴學步鼓純音  
此番公案休拈出祇恐相傳入笑林

其七

新詩歎玉起余深獨有搏霄我許心  
真跡居塵聊俯仰  
高名與世任浮沈同成雅會清茶話  
共賞枯桐白雪音  
他日歸休約何處燕山參謁萬松林

口云歸  
依本師

其八

賢帥文章蘊藉深雲川傾蓋便同心  
掀髯談道檠燈炮  
抵足論文塞月沈有眼句中君得意  
無絃琴上我知音  
乘舟誤捉波中月莫學當年李翰林

其九

浪跡西遊歲月深臨風誰識湛然心  
斯文將喪儒風歇  
真智難明佛日沈佳茗暫嘗轟雪浪  
正聲聊作鼓雷音

年來逸興十分切，雅備求真入道林。

其十

漁磯舊隱荻花深，塵世寧忘昔日心。  
兩岸清風單舸穩，滿江明月一鉤沈。  
飢來煮稻無兼味，醉後鳴榔笑五音。  
閑臥煙蓑春夢斷，不知潮起沒青林。

寄賈搏霄乞馬乳

天馬西來驤玉漿，革囊傾處酒微香。  
長沙莫吝西江水，文舉休空北海觴。  
淺白痛思瓊液冷，微甘酷愛蔗漿涼。  
茂陵要灑塵心渴，願得朝朝賜我嘗。

謝馬乳復用韻二首

生涯簞食與囊漿空憶朝回衣惹香筆去餘才猶可賦  
酒來多病不能觴松窗雨細琴書潤槐館風微枕簟涼  
正與文君謀此渴長沙美酒送予嘗  
其二  
肉食縱容飲酪漿差酸滑膩更甘香革囊旋造逡巡酒  
擘器頻傾激盪觴頓解老飢能飽滿偏消煩渴變清涼  
長沙嚴令君知否只許詩人合得嘗

贈搏霄筆

一札霜毫綴玉枝管城家世出東涯  
遼東筆鋒端有日能

談景紙上無聲解寫詩免向江淹求彩管莫學班氏棄

毛錐贈君聊助文房用賦就離騷寄我知英學在且樂

一林再用韻寄博霄二首出東坡詩集卷之四

玉立堂堂紫桂枝雲川中隱寓天涯風神蕭散能談道

格調清新解作詩鄙論我甘蒙醬瓿予作辨邪論博霄嘗讀之雄材

君已露囊錐澄澄胸次大誰識祇有清風明月知

因食其二

斫倒松筠節外枝誰言法界有邊涯筌蹄意盡閑周易

脂粉情忘東諸詩去歲生涯猶說劍今年活計更捐錐

威者那畔真消息試問瞿曇也不知

全武再用韻別非熊

靈木垂芳桂兩枝非熊佳譽動西涯倦聽琴阮嫌狂客  
飽看經書厭小詩成德羨君垂竹帛虛名嗟我類刀錐  
會難別易堪惆悵何日重來誰得知

韻意愛子金絳索詩

文獻陰功絕比倫昆蟲草木盡承恩我為北闕十年客

汝是東丹九世孫致主澤民宜務本讀書學道好窮源

他時輔翌英雄主珥筆承明策萬言案文正子耶律鑄有雙溪醉隱集

今送贈賈非熊搏霄一首

二陸尊賢擅美聲月評難弟亦難兄西菴揮麈談三界

北觀攜琴論五行休道酒仙無太白須知詩伯有飛卿



詩人輻輳君門下古蹟西州疑士名

二首和季振之二首

半紙功名未可呈無心何處不安生十年滄海塵空起

百歲黃梁夢半驚舊徑既荒松菊在丹誠不變鬢鬢更

年來漸有昇平望每恨栖雞半夜鳴

文編其二

酷憶遙山寸碧望歸耕何日樂餘生蠅營得失都無念

狗苟榮枯總若鶩客夢覺來家萬里詩聲吟罷月三更

溟鴻本有冲天志直待三年再一鳴

靈木非熊兄弟饒予之燕再用振之韻

藝逢知己敢相呈  
幾夜論文喜氣生  
筆陣我甘三舍退  
詩壇君使四筵驚  
公初傾蓋冬將半  
子擬乘輶歲欲更  
特與幽人助行色  
一聲寒角隔煙鳴

十年和連國華三首

十年和連國華三首

歲月如流走兔烏  
求真可惜費工夫  
深源到底忘根柢  
至道元來貴拙愚  
真理不空宜具眼  
太虛無面莫添鬚  
直須穩坐長安好  
切忌迷中認畫圖

其二

其二

安得長繩繫日烏  
天涯老卻舊耕夫  
林泉放曠輸君樂  
沙漠淹留笑我愚  
虎戰每驚涉虎尾  
龍飛不得採龍鬚

文章畢竟成何事富貴原知不可圖

其三

月上南枝啼夜鳥悲歌彈鋏歎征夫愁邊逐日看周易

夢裏隨風謁太愚縱有征塵遮兩眼卻無慚色上三鬚

真人已應千年運俟待河清再出圖

連國華餞予出天山因用韻

十年不得舞衣斑一憶江南膽欲寒黃犬候來秋自老

白雲望斷信何難軍中得句常橫槊客裏傷心每據鞍

遊子未歸情幾許天山風雪正漫漫

還燕和美德明文首

紛紛世態眩榮華，靜裏乾坤本不譁。  
琴阮生涯聊自適，詩書事業更何加。  
但期聖德澤天下，敢惜餘生寄海涯。  
可笑燕然舊遊客，倚樓悲我客程賒。

又和橙子梅韻  
可笑人心自短長，誰知箇事不囊藏。  
化成橙子舌耽味，幻作梅英鼻覺香。  
金卵似真隨變滅，冰魂元假卻芬芳。  
唯心識破同根旨，何必臨風再舉揚。

和竹林禪師韻

富貴無心羨五侯，隨時俯仰浪西遊。  
斷無事業留千古，靜看英雄橫九州。  
白雁縱傳遐域信，黃華卻負故園秋。

蒼生未濟歸何益一見吾山一度羞

西菴上人住夏禁足以詩戲之

觸處無非選佛堂東風何處避春光郡人無足充千界

大地絕塵塞四方舉步踢翻滄海月轉身踏破白雲鄉

快須擊碎閑家具說向西菴笑一場

首居一作都盧  
只是一禪牀

送韓浩然用馬朝卿韻

開懷樽俎笑談傾未暇論文君已行富貴塗亨渠易致  
詩篇韻險我難賡已成傾蓋金蘭友安用沾襟兒女情  
淮擬秋深迂歸騎一樽濁酒遠相迎

戊子喜雨用馬朝卿韻二首

酷暑炎炎正不禁一聲雷震釀輕陰  
救回南畝十分旱  
變作西郊三日霖  
遍野桑疇青幄密連天  
菱壠綠雲深  
王孫喜雨登樓宴  
貰酒黃墟解帶金

其二

生死輪迴苦莫禁  
不如學道惜分陰  
舡乘沒底聊相渡  
雲出無心強作霖  
不死鄉中靈草異  
長生劫外紫雲深  
茅山道士真堪笑  
虛費工夫煉五金

口云似譏勞山道士邱真人處機

戊子餞非熊仍以呂望磻溪圖爲贈

昨夜白麻降日邊  
文章領袖遠朝天  
遙思御座分香賜  
更想龍庭命席前  
白面書生酬夙志  
黑頭邊帥領新權

非熊應笑非熊老八十猶然釣渭川

和宋子玉

勇將謀臣滿玉京吾儕袖手待昇平  
荆榛至道常嗟我狂石中原豈捨卿  
日下有人叨玉食雲中高士振詩鳴  
思君興味如梅渴海印郵能知此情

海印道號也

和李邦瑞韻二首

隴右奇才冠士林萬言良策起予深  
澤民致主傾丹懇邀利沽名非素心  
我伴簿書無好思君陪風月有閒吟  
他年共納林泉下茅屋松窗品正音

其二

謝君千里遠相尋  
傾蓋交歡氣義深  
筆硯生涯

一作書劍因緣

又作鐵石肝腸無異志  
金蘭氣味本同心  
揮毫解賦登高句  
綏

軫能彈對竹琴  
此去鱗鴻知有便  
臨風無吝寄芳音

皇天相邦瑞靄送  
奉使之江表

駟騎翩翩出玉京  
金符一插照人明  
莫忘北闕龍飛志

要識南隰鵝舌情  
有袖來朝無騎乘  
錦衣歸去不徒行

異仙橋畔贈春色  
郡守傳呼接長卿  
聖主孤木萬外誰

自德和至正之韻  
十

洪才碩德兩相宜  
雅操真堪據鳳池  
富貴未終隨夢變

功名何在值時危  
奇詞解吐萬言集  
敏思能吟七步詩



但倩東風輕着力摩天鵬翼卷雲垂  
對恩誥初下卷端

其下其三四兩段宜兼舉其對恩誥初下卷端

自慙不解告嘉謀十載韜藏僻一隅  
巨海洪深容棄物

新朝寬厚用懸去享時嘉會千年少  
聖主雄才萬代無

文物規模皆法古佇看明詔起真儒  
體文體法不封行

皇天輔德本無親樂道奚憂餓滿塵  
道泰小人當屏斥

時屯君子自經綸浮雲富貴原千變  
昨夢繁華得幾春

遇不遇兮皆是命吾儕休羨錦衣新  
楞嚴經生死涅槃

祝息憂居士壽蓋交樽原美惡華則土  
我

我

酷似燕山寶十郎靈椿初老桂枝芳兩朝厚遇垂千稔  
一日清明滿四方玉佩下乘照蘭省斑衣搖曳悅萱堂  
他年參到平常處便是長生不老鄉

蠟梅三首

越嶺仙姿迥異常洞庭春染六銖裝枝橫碧玉天然瘦  
蕾破黃金分外香反笑素英渾淡抹卻嫌紅豔太濃妝  
臨風浥此薔薇露醉墨淋漓寄渺茫

其一云天一閣田風寄其紫雲軒感于越野海樓

冰姿夢裏慕姚黃滴蠟疑酥別樣妝生妬白紅來濃淡  
懶施朱粉自芬芳寒英深染薔薇露冷豔微燠篤耨香

受用清絕恣吟遠情  
念來金忘命  
謝禪師

謝禪師  
寄蘭山紫玉  
謝禪師

方外閑人天一隅  
因風寄我紫雲腴  
起予妙理欺歡伯

滌我枯腸壓酪奴  
琥珀精神渾彷彿  
葡萄滋味較錙銖

禪師遠棄桃源路  
日日尋幽摘此無  
和鄭壽之韻

和鄭壽之韻  
聖主龍飛日月新  
微才忝預股肱臣  
民財已阜錢如水

駟騎長閑塞不塵  
威鎮西陲輪定遠  
宴開東閣慕平津

何如收拾琴書去  
林下衣冠作舜民

詩以寄沙井劉子春

詩以寄沙井劉子春

奇語沙城老故人別來贏得鬢邊塵馬蹄踏破關中月  
新句吟空河表春名利相縈予有歎琴書自樂子非貧  
何時策杖君家去再試淵明漉酒巾

當年和琴士苗蘭韻無無人論管賦豈與三萬里

徒步南來愛陸機公餘邂逅似相期高山韻吼千巖木  
流水聲號半夜波聖德宛如歌治化南風猶似撫瘡痍  
幽終聲散無人會據我高吟一首詩

十丈和人韻三首

西域諸番古未知來生還過禹封畿名山在擬金泥檢  
雷塞無勞羽檄飛世樂誰能敵靜樂蓑衣到底勝朝衣

年來痛憶聞山景，月黑頭風事水圍。  
圍裏幾時到，想應空國劍。西地其二  
古木敗來空，草裏幾時到。空國劍  
干戈未斂我傷神，自恨虛名悞此身。  
否德詎能師百辟，微才安可步三辰。  
箕裘謾歎青毡舊，勳業空驚白髮新。  
安得夔龍立廊廟，扶持堯舜濟斯民。  
南風餘韻以贈袁爽  
前定相武川嚴阻之見寄  
以賦賦高山贈即于嶺木  
當年西域未知名，四海無人識晉卿。  
扈從鑾輿三萬里，謨謀鳳闕九重城。  
衣冠異域真余志，禮樂中原乃可榮。  
何日功成歸舊隱，五湖煙浪樂餘生。  
琴書自樂于其  
卷高其二  
古木敗來空  
草裏幾時到  
空國劍

亞之乘水次馳名

亞之本絳陽人冷寓居武川訓童為生

壯歲題橋慕長

卿厭世德風如偃草驚人詩價比連城功名未立不為

慊仁義能行亦足榮此理齒微人不識莫言儒道拙謀

生

其三

今年又得亞之詩每歎風雲會遇遲拙運且淹童子役

雄才宜作帝王師羨君筆下揮千字知子胸中蘊六奇

靜對西風和新句淒然南望動深思

其四

誤忝綸恩斗印懸之才羞到玉墀前執奸封事夢猶靜

許國忠誠老益堅仁政發從天北畔捷音來自海西邊  
從今率土霑王化禮樂車書共一天

其五

寥落龍沙寄此生情鍾我輩豈無情  
參商管鮑賢朋友南北機雲好弟兄  
蓮葉飄香思晚浦梅花飛雪夢春城  
故園日夜歸心切未濟斯民不敢行

己丑過雞鳴山

三年四度過雞鳴我僕徘徊馬倦登  
寂寞柴門空有舍蕭條山寺靜無僧  
殘花濺淚千程別啼鳥傷心百感生  
今古興亡都莫問穹廬高臥醉騰騰

寄天山周敬之

當年傾蓋識君初，爛飲天山駐使車。  
秋去安仁空有賦，雁來公瑾又無書。  
林巒紅葉知人老，籬落黃花亦我疏。  
為向天涯道岑寂，強吟新句贈雙魚。

一 邦瑞乞訪親因用其韻

干戈擾擾戰交侵，一紙安書值萬金。  
凡子生還愁未解，萱堂仙去恨尤深。  
涕霽倚木西風怨，腸斷聞鈴夜雨淋。  
養老送終真有憾，號天如割望雲心。

和李邦瑞韻

趙老名言水雨忘

案趙老趙州和尙

庭前空有相蒼蒼

案庭前



西來西江吸盡傭開口北載添來亦括囊明月清風何  
所礙落花流水不相妨須知居士元無病底用千年舊  
藥方

過清源贈法華禪師  
汾水禪師箇裏入杖藜尋我過清源半盃紅粟情何厚  
一盞青燈話細論山水景中君適意兵戈堆裏我消魂  
他年相約雲深處松竹蕭蕭靜掩門

贈五雲長老

高岡登陟馬玄黃落日西風過晉闡道士忻迎捧林菓  
儒冠遠逐挈盃漿五臺強壯頭如雪開化輕鞍鬢未霜

誰會一師深密意趙州元不下禪牀

...

...

...

...

...

...

...

...

...

湛然居士文集卷四終